

NYUMBA YA HAKI YA ULIMWENGU

RIDVÂN 1996 (153) - Afrika

Kwa Wafuasi wa Bahá'u'lláh Barani Afrika
Marafiki wapendwa Sana,

Mnaanza Mpango wa Miaka Minne mkiwa na historia isiyo ya kawaida ya mafanikio, ambayo huonesha kwamba mmejiandaa vyema kiroho na kiutawala, na katika uwezo wa kiasili wa watu wenu, kuitikia kwa mafanikio kwenye shabaha kuu ya Mpango ya kuendeleza mchakato wa uingiaji kwa makundi. Uelekeo wowote kusini mwa Sahara mtu awezavyo kuona—iwe kanda ya mashariki, magharibi, kati au kusini mwa bara—ishara ya upanuzi mkubwa, unaoelekea kutokea upesi zipo dhahiri. Kurunzi ya imani huwaka kwa wangavu mioyoni mwenu, ikizifanya roho zetu kuwaka kwa furaha kwa kiwango cha mafanikio yenu na uwezekano adhimu ambavyo sasa ni vyenu.

Mwanga wa matumaini uliovuviwa na chunguzi kama hizi unathibitishwa na msisimko wa kweli. Majaliwa ya kiroho ya Afrika huchimbuka kiasilia kutoka nguvu za uumbaji zilizoachiliwa kiulimwengu na Ufunuo wa Bahá'u'lláh, lakini hizi zimezidishwa kiajabu na uhusiano wa moja kwa moja wa bara na Njia za nguvu kama hizo: meli iliyomsafirisha Uzuri Uliobarikiwa kwenye uhamisho Wake Kwenda Nchi Takatifu iligusa kidogo fuko zake za kaskazini; Kitovu cha Agano aliishi vipindi virefu huko Misri kabla na baada ya ziara Yake ya kihistoria huko Magharibi. Bara hili pia lilivukwa mara mbili na mpendwa Mlinzi kutoka kusini hadi kaskazini, Bahá'u'lláh aliwapendelea watu Weusi kwa kufanya rejeleo maalum kwao pale, kama Bwana alivyothibitisha, Aliwafananisha na “mboni ya jicho” ambayo kwayo “mwanga wa roho hung’aa”. [1]

[1] Jumbe kwa Ulimwengu wa Kibahá'í, uk. 136

Historia ya Kibahá'í Afrika ina mwanzo wake huko Misri, ambayo ilifunguliwa kwa Imani wakati wa kipindi cha utumishi wa Bahá'u'lláh; iliongezeka mwendo wakati wa utumishi wa Abdu'l-Bahà wakati maeneo ya Kibahá'í yalianzishwa huko Afrika kusini na Tunisia. Lakini matokeo ya awali ya majaliwa haya ya kiroho yalikuwa wazi zaidi kwa mafanikio yasiyo na kifani ya Mradi wa Afrika wa miaka miwili (1951-1953) ambapo maeneo 16 yalifunguliwa, yakileta idadi ya nchi na visiwa 25 ambamo Wabahá'í waliishi; hii ilitanguliwa na ufunguzi wa maeneo 33 mapya yaliyotolewa wito katika Pambano la Kiulimwengu la Miaka Kumi la mpendwa Mlinzi, kipindi cha maendeleo ya kushangaza barani Afrika ambayo yalileta hisia ya mvuto na sifa ya Shoghi Effendi wakati watu wengi kutoka makabila mbalimbali walipoingia katika Hoja, idadi kadhaa ya asasi za kiutawala ziliundwa, na ikawezekana kuinua Hekalu Mama la Afrika katikati ya Bara hilo. Katika kipindi cha maendeleo haya ya haraka, waumini wa Kiafrika wenyewe, kupitia jitihada za kujitoa dhabihu kama walimu na watangulizi, waliinuka kuitetea Hoja ya Mungu, wakidhihirisha muitikio wao wa kina kwa Ujumbe wa Siku Mpya.

Katika nchi zilizo kaskazini ambako program za ufundishaji wa umma kwa sasa haziwezi kutekelezwa, kwa miaka mingi marafiki waliendelea kudumisha machapisho yao kwa hadhari na ustahimilivu wa kishujaa. Si tu waliuweka hai mwale wa imani mioyoni mwao, pia walijitahidi kupeleka moto wa upendo wa Mungu kwa wana-familia

wao, wakiwemo watoto na vijana wao, kwa matazamio ya siku ambapo uhuru wa kutangaza wazi dini yao na kuendesha shughuli za jumuiya yao utakapokuwa salama.

Kwa furaha kubwa sana sasa tunatazama nyuma kwa zaidi ya miongo michache tu wakati ambapo Afrika ilifikia idadi kubwa kabisa ya Mabaraza ya Kiroho ya Kitaifa zaidi ya bara lolote; zaidi, Mabaraza ya Kiroho ya Mahali Afrika yalifikia asilimia kubwa ya jumla ya Mabaraza ya ulimwengu. Matokeo ya ajabu ya nguvu zilizotolewa kwa upanuzi na uimarishaji umejumuisha jitihada kubwa za kufunza waumini na kuongeza na kudumisha miradi ya maendeleo. Matokeo yake, jumuiya ya Kibahà'i ya Afrika inaweza kujivunia maendeleo yanayoonekana katika uanzishwaji wa idadi kadhaa ya shule za msingi na sekondari na taasisi za mafunzo. Chanzo cha nyingi ya nguvu hizi kwa nyakati za hivi karibuni kimekuwa vijana wa Kiafrika, ambao wameendelea kuonesha mfano wa kujitolea kwa dhati na kwa nguvu katika shughuli zao za Kibahà'i. Katika uwanja wa mambo ya nje, jumuiya ya Kiafrika, iwe katika nchi ndogo au kubwa, imeonesha ujasiri, ubunifu na ushupavu ambavyo vimesababisha utangazaji kiulimwengu wa Imani na uendelezaji wa raghba zake muhimu.

Ni dhahiri, basi, Afrika ipo tayari kuandikisha ushindi kwa ajili ya Hoja ambao utathibitisha tena nafasi yake miongoni mwa walio safu za mbele za jumuiya yetu ya ulimwengu. Muda unayoyoma, na lazima mtende kwa haraka kutambua matumaini haya. Kwa hiyo tunawasihi kaka na dada zetu wa Kiafrika kuchukua hatua ya haraka ya uwezo, mahitaji na fursa zao, na kisha kuamua kugeuza changamoto zilizotolewa na hali hizi kuwa njia za mafanikio. Mtalazimika kutoa umakinifu wa dhati kwa mipango na program mbalimbali za shughuli ikiwa mnataka kusonga mbele hadi kwenye hatua mpya za uingiaji kwa makundi, lakini sambamba hayo mahitaji fulani fulani ya kimsingi yatadai uangalifu na jitihada zenu. Haya ni uondoaji wa chuki za kikabila, ubadilishaji wa desturi zilizoenea za kijamii, na uendelezaji wa elimu.

Migogoro ya kikabila ni mojawapo ya mambo ya msingi sana yanayoikabili Afrika. Hili lazima lishughulikiwe kwa juhudi na kila mfuasi mwaminifu wa Baha'u'llah na kuazimia kulishinda kwa kupitia jitihada za pamoja za kila jumuiya ya mahali na ya kitaifa. Hivi kweli, ni vipi wapendwa wa Uzuri Uliobarikiwa waruhusu chuki za kikabila na ushindani vioneshwe katikati yao wakati Yeye ameufanya umoja kuwa kanuni ya msingi na kusudi la Imani Yake? Chuki na uhasama uliojikita kwenye ukabila, kama zile zilizojikita kwenye mbari, hugaribu ari ya mwanadamu na kushikilia maendeleo ya jamii inayoyakumbatia. Ikiwa nje ya jumuiya ya Kibahà'i katika miaka ya hivi karibuni watu wenye ushawishi na watumishi wa serikali wameweza kuona manufaa halisi ya kuyaleta makundi anuwai pamoja kuelekea umoja, ni kwa kiasi gani zaidi ingewezekana kwa wale waliojazwa na moyo wa Mafundisho yetu wangejitahidi kuondoa ndani ya ushirika wa Kibahà'i tabia zisizo pendeza za mgawanyiko wa kikabila na utengano. Ni jambo muhimu na la haraka katika hali ya sasa ya jamii kwa Wabahà'i hivyo kuonesha umoja wa kweli miongoni mwao wenyewe na katika uhusiano wao na wengine ili waweze kujulikana kama watu wapya mbele ya macho ya Waafrika wote. Uonesho kama huo utavutia mathibitisho matakatifu na kwa kiwango kikubwa kuimarisha uwezo wao wa kufanikisha katika kueneza Mafundisho.

Mengi ambayo hutofautisha maisha ya Kiafrika yamo katika mtindo wa tabia zioneshwazo katika makabila na hasa katika familia. Kwa kiwango kiongezekacho, maisha ya mijini yanatishia kuangamiza sifa njema za mitindo kama hiyo. Kwa kuwa mabadiliko hayepukiki ikiwa maendeleo yanapaswa kuletwa na jamii yoyote ya

Kiafrika, changamoto ya msingi kwa Wabahà'i ni kuhifadhi na kuboresha yale mambo yote ya desturi za kikabila na kifamilia ambazo zinaendana na Mafundisho ya Kibahà'i na kuachana na zile ambazo haziendani nayo. Changamoto kama hiyo lazima ipokelewe pole pole kwa uelewa kwamba Kitabu cha Mungu ndiyo kipimo cha kupimia aina zote za mwenendo. Wakati kitendo kisichohitaji kuyumba ni cha lazima, hekima na busara na uvumilivu lazima, bila shaka, vioneshwe. Hebu vile vile ieleweke kwamba Waafrika hawapo pekee yao katika mapambano dhidi ya kubadili desturi fulani fulani za miaka mingi. Kila mahali watu wana mila na desturi ambazo lazima ziachwe ili kupisha njia ambayo jamii zao lazima zikue kuelekea ule ustaarabu mpya, mtukufu ambao ndiyo unatakiwa kuwa matunda ya Ufunuo wa ajabu wa Baha'u'llàh. Kwa hakika, hakuna jamii yoyote duniani inayoweza kuonekana ikitekeleza desturi ambazo hasa zinaonesha viwango vya Hoja Yake. Maneno Yake Mwenyewe yanayobeba ukweli huu hufafanua jambo hili: "Miito na ujumbe Tulioutoa kamwe haukukusudiwa kuifikia nchi au kuwanufaisha watu wa jamii moja pekee. Jamii ya wanadamu kwa ujumla wake lazima ifuate kwa uthabiti kwa chochote kilichofunuliwa na kukikubali kwa moyo mkunjufu. Ni hapo na ni mpaka hapo tu ndipo itakapofikia kwenye uhuru wa kweli. Dunia nzima imeangaziwa kwa utukufu ung'ao wa Ufunuo wa Mungu."

[2] Waraka wa Ulimwengu, Buga, sehemu ya XLIII, uk. 96 (Kitabu cha Kiingereza)

Ukali usiotosheleza wa mipango na program za kuwaelimisha watu wa Afrika hutoa changamoto maalum kwa wafuasi wa Baha'u'llàh katika bara hilo, kwa kuwa Yeye amesisitiza umuhimu wa elimu kwa wote; na mtu mmoja mmoja anapaswa kufundishwa angalau kujua kusoma na kuandika. Elimu ambayo Baha'u'llàh aliizungumzia ni zote mbili, ya mambo ya kiroho na kimwili. Ukosefu wa elimu kama hiyo huathiri uwezo wa watu kufikia maendeleo ya kweli. Suala hili linapaswa liwe lenye raghba kali kwa sehemu zote za jumuiya. Wazazi wana jukumu maalum kuhakikisha kwamba watoto wao, wa kiume na wa kike, hupata elimu; na lazima wajali kwamba wasichana hawaachwi nyuma, kwani wasichana walioelimishwa vyema ni uhakikisho wa ubora wa jamii ya baadaye; kwa kweli, upendeleo unapaswa, kama ni lazima, utolewe kwa elimu yao. Lihusianalo kwa ukaribu na jambo hili ni kanuni ya usawa wa wanawake na wanaume iliyofundishwa na Baha'u'llàh. Pia inapendekezwa sana kwa watu wazima, wa kiume na wa kike, wasiojua kusoma na kuandika kushiriki katika program za kusoma na kuandika, ili kwamba pole pole Wabahà'i wataweza kusoma Neno la Mungu wao wenyewe. Jumuiya ya Kibahà'i haijajitayarisha vya kutosha kutekeleza kile ambacho mamlaka husika zimekipuuzia kukifanya kwa ajili ya elimu ya watu; hata hivyo, asasi za Kibahà'i katika ngazi zote zinaombwa kutoa umakini mkubwa kwa mahitaji haya ya msingi kadiri hali zinavyoruhusu.

Kwa kuzingatia mambo haya matatu yaliyotangulia, mnaweza kusonga kwa nguvu na kwa hekima kuzikabili kazi nyingi zinazomaanishwa na msisitizo wa Mpango juu ya kuendeleza mchakato wa uingiaji kwa makundi. Upanuzi wa jitihada zenu kuathiri yote mawili, upanuzi na uimarishaji kwenye kiwango kizima kipya ni muhimu sana. Mojawapo huhitaji msukumo wa nje wenye nguvu wa shughuli zenu za ufundishaji ili zienee kwa marefu na mapana ya nchi zenu, ili Ujumbe Mtakatifu uyafikie maeneo ya vijijini kabisa. Mwingine huonesha mwendo wa kuimarisha na kuzidisha mafabikio yenu kupitia upenyezaji uimarikao daima wa maarifa ya kiroho ya Imani katika mioyo ya waumini, uendelezaji wa kiutaratibu wa rasilimali watu, na maendeleo yaonekanayo katika utendaji wa asasi zenu za kitaifa na, hususan, asasi zenu za mahali.

Katika jitihada yote hii, wahusika watatu wa mchakato—mtu binafsi, asasi na jumuiya—lazima watwae majukumu yao husika. Sisi hasa tunawatarajia nyinyi nyote kutafuta kila njia iliyo katika uwezo wenu ambayo italeta utambuzi wa umoja wa kiasili kati ya Baraza la Kiroho la Mahali na jumuiya, na hapo kuanzisha utofauti wa mara moja wa sehemu sehemu za maisha ya kijamii ya siku hizi. Hivyo, tunatamani kuwaona waumini binafsi wa Kiafrika wakiinua kwa idadi kubwa kudai Imani ya Bahá'u'lláh kama yao wenyewe na kujitwalia hitaji la kazi za ufundishaji na kusimamia Imani ieneayo kwa kasi. Na tunatazamia ushuhuda uliokusanywa kwamba Mabaraza ya Kiroho wanayamiliki mamlaka waliyopewa na Mungu na kwa utambuzi wanatimiza wajibu wao kwa Bahá'u'lláh kuendeleza ukuaji na maendeleo ya jumuiya hai ambamo watu wazima, vijana na watoto wanashirikishwa na wanakuwa amilifu zaidi na zaidi. Ili kutimiza matarajio haya ni kudhihirisha kwa ulimwengu wenye shaka nguvu ya Imani kushikilia kwa hali ya juu sana kiwango kipya kwa ajili ya uongozaji wa mataifa, na hatimaye kuuvutia umma ulioishiwa imani kwenye usalama wa Imani ya Mungu.

Je, ni vitendo gani mahsusi, vile vile mnaweza kujiuliza, vingedhihirisha kwamba mnatimiza mahitaji ya msingi ya Mpango barani Afrika? Jibu lingejumuisha mtaji wa yafuatayo. Hali yoyote iwayo ya upanuzi katika jumuiya, chukueni hatua zifuatazo kuongeza uandikishaji, kuwaongezea elimu zaidi waumini kuimarisha nguvu ya ufundishaji. Pale uingiaji kwa makundi upo katika mchakato, shadidisheni jitihada zenu ili kuchochea ongezeko zaidi katika idadi ya waumini, ambapo wakati huo huo mkiandaa program ya mafunzo ambayo itawaongezea elimu zaidi waumini wapya na kuibua walimu wapya misingi endelevu. Zidisheni kitendo cha kuzileta familia katika Imani kwa kuwahamaisha watu binafsi katika wajibu wao kujitahidi kuwaongoza wana-familia wao wengi iwezekanavyo kwenye mwanga wa mwongozo mtakatifu. Fanyeni jitihada za mara kwa mara kuwafundisha Waisilamu wa kusini mwa Sahara. Zalisheni na sambazeni machapisho ya vitabu vya Kibahá'í na kanda za sauti, hasa katika lugha za asili. Ongezeni idadi ya Mabaraza ya Kiroho ya Mahali yanayochaguliwa na jumuiya zao bila msaada kutoka nje. Usaidieni kwa kiasi kikubwa zaidi Mifuko ya Imani. Waelekezeni waumini kutoka miongoni mwa watawala wa kijadi kwenye Mafundisho, ili waweze kutafuta njia zifaazo kuhihudumia Imani.

Zaidi ya hayo, toeni miongozo kwa ajili ya watoto kuhudhuria mara kwa mara madarasa ya Kibahá'í kwa ajili ya mafunzo yao ya kiroho. Toeni umakinifu thabiti kwenye uhusishwaji wa vijana katika kazi ya upanuzi na uimarishaji kwenye kwenye ufunguaji wa njia za shughuli inayoendana na vipaji vyao na ambazo ni za lazima kwa ajili ya ukuaji wao kuwa Wabaha'i komavu. Ongezeni idadi na ufanisi wa uadhimishwaji wa Karamu za Siku Kumi na Tisa. Panueni matumizi ya muziki na maigizo katika kazi ya utangazaji na ufundishaji, na juhudi ambayo kwayo Afrika tayari imejipambanua yenyewe. Zidisheni mipango na program ili kuinua hadhi ya wanawake na kuhamasisha mchango madhubuti wa wanaume katika jitihada hizo. Panueni uwanda wa jitihada zenu katika nyanja za mambo ya nje na maendeleo ya shughuli za kijamii na kiuchumi.

Mtatambua bila kusita, hivyo, msisitizo uliowekwa juu ya uzidishaji wa idadi ya taasisi za mafunzo; kwani bila hizo haitawezekana kutimiza mahitaji ya jumuiya zipanukazo kwa kiasi kikubwa. Katika baadhi ya maeneo, marafiki wanaweza kuona inawezekana kutoa maeneo na majengo kwa ajili ya utendaji huu muhimu, ambao lazima upangwe katika maeneo mengi iwezekanavyo ili kutoa mafunzo ya mara kwa mara na yaliyoandaliwa vyema ili kuongeza idadi ya waumini. Program za taasisi lazima

zibuniwe kuingiza ndani mwa washiriki uelewa mzuri wa kweli za kimsingi za Imani na kuwasaidia kujipatia ujuzi na uwezo utakaowawezesha kuihudumia Imani kwa ufanisi.

Punde tu baada ya Ridván Mabaraza yenu ya Kiroho ya Kitaifa yataanzisha jitihada kuandaa, kwa ushauriano na Washauri, tondoti za Mpango wa Miaka Minne, nchi kwa nchi. Ili kuhakikisha kwamba Mpango huu kwa mapana umezingatia na kuitikia mahitaji ya maeneo yote ya nchi, ushiriki wa Mabaraza ya Kiroho ya Mahali na watu binafsi, katika kuendeleza mipango yao ya maeneo na katika kufuata njia za kiutendaji zitakazowekwa wazi, itakuwa muhimu.

Marafiki Wapendwa, tunafahamu fika juu ya shida zinazoyakabili maisha barani Afrika: hali ambazo zimesababisha wimbi la wakimbizi barani humo, vitisho vinavyoletwa na migogoro ya vikundi vidogo vidogo, kukosekana kwa utangamano wa kisiasa, dhiki ya kiuchumi, kiwango kikubwa cha njaa na magonjwa na majanga ya kutisha ya asili. Lakini, japokuwa inaweza kuonekana kama uwongo, humo ndimo ulimo, katika yote haya, uwezekano hasa wa mafanikio yenu. Uwezo wenu wa kuvumilia na kusonga mbele unaimarishwa na uhakika unaotolewa na Tabibu Mtakatifu, Ambaye alizitazamia hali zote hizi na kuamuru tiba ya uhakika. Maagizo Yake yamo mikononi mwenu.

Kwa hiyo, tunawakumbusha juu ya matarajio bora ambayo mpendwa Mlinzi anayo kwa ajili yenu kama watu walio katika bara ambalo lina "mchango mkubwa wa kutoa kwenye uendelezaji wa ustaarabu wa ulimwengu." [3]

Acha kumbukumbu kama hizo zigonge upya mioyoni mwenu, zikihuisha nia yenu kutimiza shabaha kuu ya Mpango ulio mbele yenu, na kuanzisha hatua kwa ajili ya utendaji wenu kama vile mdundo wa dharura wa ngoma urindimao kwa nguvu kote katika nchi yenu iliyotandaa mbali.

[3] Hatima Ikunjukayo, uk. 330

Sala zetu za dhati kwenye Kizingiti Kitakatifu kwa niaba yenu ni kwamba maghala matakatifu ya mbinguni yaweze kumimina baraka zao juu yenu nyote, zikiponya maradhi yenu, yakikuza nguvu zenu, na kuwawezesha kupata ushindi juu ya ushindi.

Pamoja na salamu za upendo wa Kibahá'í,

Nyumba ya Haki ya Ulimwengu